

თერჯოლის მუნიციპალიტეტის საკრებულოს საფინანსო-საბიუჯეტო კომისიის სხდომის

ოქმი № 3

ქ. თერჯოლა

2 მარტი 2026 წელი

სხდომას უძღვებოდა: კომისიის თავმჯდომარე ზურაბ ჩხიკვაძე

სხდომას ესწრებოდნენ: 1. ზურაბ ჩხიკვაძე, 2. დავით გოგბერაშვილი, 3. ნინო მახათაძე, 4. გოჩა ვერულაშვილი, 5. მამული კოვზირიძე, 6. ომარი ჯიხვაშვილი, 7. ბადრი ბუცხრიკიძე, 8. მაკა ყიფშიძე, 9. ნატო კვეტენაძე, 10. გიორგი ბერეკაშვილი, 11. სოსო ჩაფიჩაძე, 12. სერგი ჯიხვაშვილი

სხდომას არ ესწრებოდნენ: 1. მირზა აფრიდონიძე, 2. გრიგოლ გიორგაძე

კომისიის შემადგენლობა: 14 წევრი

დამსწრე წევრთა რაოდენობა : 12 წევრი

კვორუმი: 7 წევრი

დღის წესრიგი:

1. „თერჯოლის მუნიციპალიტეტის 2026 წლის ბიუჯეტის დამტკიცების შესახებ“ თერჯოლის მუნიციპალიტეტის საკრებულოს 2025 წლის 24 დეკემბერის №25 დადგენილებაში ცვლილების შეტანის თაობაზე (თერჯოლის მუნიციპალიტეტის მერის წერილი № 28-282605869, 27.02.2026 წ.);

მომხს.: ზ.ჩხიკვაძე

2. თერჯოლის მუნიციპალიტეტის 2025 წლის პროგრამული ბიუჯეტის წლიური შესრულების შესახებ ანგარიში (თერჯოლის მუნიციპალიტეტის მერის წერილი № 28-282605461, 23.02.2026 წ.).

მომხს.: ზ.ჩხიკვაძე

კენჭისყრის შედეგები: მომხრე - 12, წინააღმდეგი - 0

დღის წესრიგი დამტკიცდა წარმოდგენილი სახით.

1.

მოისმინეს: მომხსენებელმა, საკრებულოს საფინანსო-საბიუჯეტო კომისიის თავმჯდომარემ ზურაბ ჩხიკვაძემ, კომისიის წევრებს გააცნო „თერჯოლის მუნიციპალიტეტის 2026 წლის ბიუჯეტის დამტკიცების შესახებ“ თერჯოლის მუნიციპალიტეტის საკრებულოს 2025 წლის 24

დეკემბერის №25 დადგენილებაში ცვლილების შეტანის თაობაზე დადგენილების პროექტი-2026 წლის ადგილობრივი ბიუჯეტის ცვლილება გამოიწვია მთავრობის განკარგულებამ (საქართველოს მთავრობის მიმდინარე წლის 26 თებერვლის N431 განკარგულების შესაბამისად თერჯოლის მუნიციპალიტეტს ფინანსური დახმარების სახით გამოეყო 2 000 000 ლარი) , ხარჯვითი ნაწილის კორექტირებამ.

ბიუჯეტის მთლიანი მოცულობა გაიზარდა 2000.0 ათასი ლარით და შეადგენს 33858.4 ათას ლარს.

საშემოსავლო ნაწილი გაიზარდა 2000.0 ათასი ლარით (გრანტი - ფინანსური დახმარება).

ხარჯვითი ნაწილი გაიზარდა 2000.0 ათასი ლარით. მ/შორის:

მუნიციპალიტეტის საკრებულოს დაფინანსება გაიზარდა - 100.0 ათასი ლარით.

მუნიციპალიტეტის მერის დაფინანსება გაიზარდა - 300.0 ათასი ლარით.

გზებისა და ხიდების, მიმდებარე ტერიტორიების მშენებლობის, რეკონსტრუქციისა და მოვლა შენახვის დაფინანსება გაიზარდა - 300.0 ათასი ლარით.

სოფლის მხარდაჭერის პროგრამების დაფინანსება გაიზარდა - 130.0 ათასი ლარით.

ა(ა)იპ დასუფთავებისა და კეთილმოწყობის სამსახურის დაფინანსება გაიზარდა - 600.0 ათასი ლარით.

საპროექტო დოკუმენტაციისა და საექსპერტო მომსახურების შესყიდვა და საპროექტო დოკუმენტაციისა და სამშენებლო სამუშაოების ტექნიკური ზედამხედველობის მომსახურების დაფინანსება გაიზარდა - 150.0 ათასი ლარით.

სკოლამდელი აღზრდის დაწესებულებების დაფინანსება გაიზარდა - 420.0 ათასი ლარით.

აზრი გამოთქვას: კომისიის ყველა წევრმა

კენჭისყრის შედეგები: მომხრე - 12 , წინააღმდეგი -0

გადაწყვიტეს: მოწონებულ იქნეს „თერჯოლის მუნიციპალიტეტის 2026 წლის ბიუჯეტის დამტკიცების შესახებ“ თერჯოლის მუნიციპალიტეტის საკრებულოს 2025 წლის 24 დეკემბერის №25 დადგენილებაში ცვლილების შეტანის თაობაზე დადგენილების პროექტი და საკითხი განსახილველად გავიდეს საკრებულოს ბიუროს სხდომაზე.

2.

მოისმინეს: მომხსენებელმა, საკრებულოს საფინანსო-საბიუჯეტო კომისიის თავმჯდომარემ ზურაბ ჩხიკვაძემ კომისიის წევრებს გააცნო თერჯოლის მუნიციპალიტეტის 2025 წლის პროგრამული ბიუჯეტის წლიური შესრულების შესახებ ანგარიში -თერჯოლის მუნიციპალიტეტის 2025 წლის ბიუჯეტი დამტკიცებულია მუნიციპალიტეტის საკრებულოს მიერ 2024 წლის 4 დეკემბრის N18 დადგენილებით - 20650.0 ათასი ლარის ოდენობით (საკუთარი შემოსავლები - 20350.0 ათასი ლარი და სახელმწიფო ბიუჯეტის ფონდებიდან - 300.0 ათასი ლარი).

2025 წლის 1 იანვრისათვის ნაშთი შეადგენდა 228.0 ათას ლარს. მათ შორის: საკუთარი (ადგილობრივი) შემოსავლები 119.0 ათას ლარს და სახელმწიფო ბიუჯეტის ფონდებიდან გრანტების სახით მიღებული შემოსავალი - 109.0 ათას ლარს.

2025 წლის განმავლობაში ბიუჯეტის ცვლილება 18-ჯერ განხორციელდა (მერის ბრძანებით 6-ჯერ და საკრებულოს მიერ - 12-ჯერ). ბიუჯეტის მთლიანი საპროგნოზო მოცულობა განისაზღვრა 41077.8 ათასი ლარით ((საკუთარი (ადგილობრივი) შემოსავლები 26000.9 ათასი ლარი და სახელმწიფო ბიუჯეტის ფონდებიდან 15076.9 ათასი ლარი)).

2025 წლის ბიუჯეტის წლიური ფაქტიური შემოსულობები 40371.5 ათას ლარს, ხოლო ფაქტიური გადასახდელები 39056.9 ათას ლარს შეადგენს. 2026 წლის პირველი იანვრისათვის ნაშთი დარჩა 1314.6 ათასი ლარი. მათ შორის: საკუთარი (ადგილობრივი) შემოსავლები 522.7 ათასი ლარი და სახელმწიფო ბიუჯეტის ფონდებიდან - 791.9 ათასი ლარი.

თერჯოლის მუნიციპალიტეტის 2025 წლის ბიუჯეტის წლიურმა ფაქტიურმა შემოსავლებმა 40371.5 ათასი ლარი შეადგინა, რაც გეგმის (41077.8 ათასი ლარი) 98,2%-ია.

მუნიციპალიტეტის ბიუჯეტის წლიურ ფაქტიურ შემოსავლებში (40371.5 ათასი ლარი) საგადასახადო შემოსავლების ხვედრითი წილი 19965.4 ათას ლარს, ანუ 49,4 %-ს შეადგენს. არასაგადასახადო (სხვა) შემოსავლების ხვედრითი წილი -2551.3 ათას ლარს, ანუ 6,3 პროცენტს. სახელმწიფო ბიუჯეტის ფონდებიდან გრანტების სახით მიღებული შემოსავლები -17125.7 ათას ლარს, ანუ 42,4 %-ს. არაფინანსური აქტივების კლებიდან შემოსავლები შეადგენს 501.1 ათას ლარს, ანუ 1,2 %-ს.

აზრი გამოთქვას: კომისიის ყველა წევრმა

კენჭისყრის შედეგები: მომხრე - 12 , წინააღმდეგი -0

გადაწყვიტეს: მოწონებულ იქნეს თერჯოლის მუნიციპალიტეტის 2025 წლის პროგრამული ბიუჯეტის წლიური შესრულების შესახებ ანგარიში და საკითხი განსახილველად გავიდეს საკრებულოს ბიუროს სხდომაზე.

კომისიის თავმჯდომარე

ზურაბ ჩხივაძე

